



	Hafnarfjarðarbær
Innk:	7/6 2018
Málsnr:	1806100
Bérsl:	032.1

## SAMBAND ÍSLENSKRA SVEITARFÉLAGA

Hafnarfjarðarkaupstaður  
Strandgötu 6  
220 - HAFNARFIRÐI

Reykjavík 4. júní 2018

1602044SA VRH/  
Málalykill: 002

### Efni: Kosning fulltrúa á landsþing Sambands íslenskra sveitarfélaga 2018–2022

Samkvæmt 5. gr. samþykktu Sambands íslenskra sveitarfélaga kjósa sveitarstjórnir aðildarsveitarfélaganna fulltrúa á landsþing sambandsins að afloknum almennum sveitarstjórnarkosningum og gildir sú kosning fyrir kjörtímabil sveitarstjórnar. Um fjölda aðalfulltrúa á landsþingi gildir eftirfarandi:

- a. Sveitarfélag með allt að 1.000 íbúa kýs 1 fulltrúa.
- b. Sveitarfélag með 1.001 til 3.000 íbúa kýs 2 fulltrúa.
- c. Sveitarfélag með 3.001 til 5.000 íbúa kýs 3 fulltrúa.
- d. Sveitarfélag með 5.001 til 10.000 íbúa kýs 4 fulltrúa
- e. Sveitarfélag með fleiri en 10.000 íbúa kýs einn fulltrúa fyrir hvert byrjað tugþúsund íbúa umfram 10.000 til viðbótar hinum fjórum.

Íbúafjöldi viðkomandi sveitarfélags skal miðaður við 1. janúar á því ári sem almennar sveitarstjórnarkosningar fara fram, skv. skráningu Hagstofu Íslands.

Samkvæmt skráningu Hagstofu Íslands 1. janúar 2018 voru íbúar í Hafnarfjarðarkaupstað 29.412 að tölu. Bæjarstjórn Hafnarfjarðarkaupstaðar kýs því 6 fulltrúa á landsþing sambandsins og jafnmarga til vara. Kjörgengir eru nýkjörnir aðalmenn í sveitarstjórn og varamenn þeirra jafnmargir að tölu.

Áríðandi er að kjörbréf með nöfnum aðalfulltrúa og varafulltrúa, ásamt upplýsingum um stöðuheiði innan sveitarstjórnar og netföngum, verði sent skrifstofu sambandsins sem fyrst að kosningu lokinni, í síðasta lagi 1. ágúst 2018.

Virðingarfyllst  
SAMBAND ÍSLENSKRA SVEITARFÉLAGA

Valur Rafn Halldórsson

Valur Rafn Halldórsson  
sviðsstjóri rekstrar- og útgáfusviðs

Meðfylgjandi: Samþykktir Sambands íslenskra sveitarfélaga  
Fyrirmund að kjörbréfi



# **Samþykktir Sambands íslenskra sveitarfélaga**

## **1. gr.**

### ***Heiti og heimili.***

Sambandið heitir Samband íslenskra sveitarfélaga og er heimili, varnarþing og skrifstofa þess í Reykjavík.

## **2. gr.**

### ***Hlutverk.***

Hlutverk sambandsins er:

- Að vera sameiginlegur málsvari sveitarfélaga og vinna að sameiginlegum hagsmunamálum þeirra og samstarfi.
- Að vera fulltrúi sveitarfélaga gagnvart ríkisvaldinu og öðrum innlendum aðilum, eftir því sem við á.
- Að þjóna sveitarfélögum á svíði vinnumarkaðsmála, annast kjarasamningsgerð og hafa fyrirsvar í kjaramálum fyrir þau sveitarfélög sem veita umboð sitt til þess, hafa frumkvæði að rannsóknum og sinna upplýsingagjöf til sveitarfélaga um kjaramál.
- Að þjóna sveitarfélögum og samtökum þeirra á svíði lögbundinna verkefna og öðrum þeim svíðum sem sveitarfélög og samtök þeirra kalla eftir í takt við þróun og breytingar á sveitarstjórnarstiginu.
- Að vera fulltrúi sveitarfélaga gagnvart erlendum samtökum um sveitarstjórnarmál, alþjóðastofnunum og öðrum þeim aðilum erlendis, er láta sig sveitarstjórnarmálefni skipta.
- Að vinna að almennri fræðslu um sveitarstjórnarmál með ráðstefnu-, námskeiða- og fundahaldi og miðla þekkingu og upplýsingum til sveitarstjórnarmanna og starfsmanna sveitarfélaga með fjölbreyttum hætti.

## **3. gr.**

### ***Aðild.***

Hvert íslenskt sveitarfélag getur gerst aðili að sambandinu.

Nú samþykkir sveitarstjórn að óska þess að sveitarfélagið verði tekið í sambandið og skal hún þá senda stjórn sambandsins skriflega umsókn um það. Stjórn sambandsins veitir sveitarfélagini inngöngu til bráðabirgða, en leggja skal slíkar umsóknir fyrir landsþing til fullnaðarstaðfestingar.

Ef sveitarfélag óskar að segja sig úr sambandinu skal tilkynna það skriflega og miðast úrsögnin við næsta landsþing eftir að tilkynning um úrsogn berst.

## **4. gr.**

### ***Landsþing.***

Landsþing hefur æðsta vald í málefnum sambandsins. Það kemur saman árlega, að jafnaði í mars eða apríl. Á því ári sem almennar sveitarstjórnarkosningar eru haldnar skal landsþing þó haldað eigi síðar en í lok september. Stjórn sambandsins boðar til landsþings og ákveður þingstað og tímasetningu.

**5. gr.  
Kosning landsþingsfulltrúa.**

Að afloknum almennum sveitarstjórnarkosningum kjósa hlutaðeigandi sveitarstjórnir fulltrúa á landsþing og gildir sú kosning fyrir kjörtímabil sveitarstjórnar. Um fjölda aðalfulltrúa á landsþingi gildir eftirfarandi:

1. Sveitarfélag með allt að 1.000 íbúa kýs 1 fulltrúa.
2. Sveitarfélag með 1.001 til 3.000 íbúa kýs 2 fulltrúa.
3. Sveitarfélag með 3.001 til 5.000 íbúa kýs 3 fulltrúa.
4. Sveitarfélag með 5.001 til 10.000 íbúa kýs 4 fulltrúa
5. Sveitarfélag með fleiri en 10.000 íbúa kýs einn fulltrúa fyrir hvert byrjað tugþúsund íbúa umfram 10.000 til viðbótar hinum fjórum.

Íbúafjöldi samkvæmt þessari grein skal miðaður við 1. janúar á því ári sem almennar sveitarstjórnarkosningar fara fram. Notaðar skulu mannfjöldatölur skv. skráningu Hagstofu Íslands. Verði breyting á sveitarfélagaskipan frá 1. janúar fram til sveitarstjórnarkosninga, skal laga íbúafjöldann að þeirri breytingu.

Varafulltrúar á landsþingi skulu kosnir jafnmargir og aðalfulltrúar. Kosning fulltrúa fer eftir sömu reglum og gilda um kosningu nefnda skv. ákvæðum sveitarstjórnarlaga, annarra en byggðarráðs.

Kjörgengir sem fulltrúar á landsþingi eru nýkjörnir aðalmenn í sveitarstjórnum og varamenn þeirra jafnmargir að tölu, hvort sem varamaður í sveitarstjórn hefur verið kjörinn sérstaklega við óbundnar kosningar eða hann fær kjörbréf vegna setu á framboðslista við bundnar hlutfallskosningar.

Að kosningu lokinni, í síðasta lagi 1. ágúst, sendir sveitarfélagið skrifstofu sambandsins kjörbréf með nöfnum þeirra sem hafa verið kjörnir fulltrúar og varafulltrúar.

**6. gr.  
Dagskrá landsþings.**

Á landsþingi skulu eftirfarandi mál tekin fyrir eða lögð fram:

- a) Þingsetning og ræða formanns.
- b) Kosning tveggja þingforseta.
- c) Kosning tveggja ritara.
- d) Kosning þriggja manna kjörbréfanefndar.
- e) Kosning sex manna kjörnefndar og jafn margra varamanna.
- f) Reikningar sambandsins næstliðið reikningsár, endurskoðaðir af löggiltum endurskoðanda og kjörnum skoðunarmönnum og samþykktir af stjórn sambandsins og fjárhagsáætlun fyrir yfirstandandi ár.
- g) Álit kjörbréfanefndar.
- h) Skýrsla um starfsemi sambandsins fyrir næstliðið ár og starfsáætlun sambandsins fyrir yfirstandandi ár.
- i) Stefnumótun sambandsins.
- j) Mál sem sveitarstjórn, samtök sveitarfélaga eða þingfulltrúi óskar eftir að leggja fram.

**k) Breytingar á samþykktum.**

Á fyrsta landsþingi eftir almennar sveitarstjórnarkosningar fer fram kosning stjórnar, sbr. 10. gr. Á öðrum landsþingum fer fram kosning aðal- og varamanna í stjórn ef tilefni er til.

Tillögur um mál samkvæmt j-lið 1. mgr. þessarar greinar skal senda stjórn sambandsins eigi síðar en tveimur vikum fyrir landsþing. Heimilt er þó að leggja mál fyrir landsþing með skemmmri fyrirvara, ef 2/3 hlutar viðstaddir þingfulltrúa samþykkja.

Landsþingið getur kosið nefndir eða vinnuhópa til þess að fjalla um einstök mál sem til meðferðar eru á þinginu.

Heimilt er stjórn sambandsins að boða til aukalandspings með tveggja vikna fyrirvara og skulu þá þau mál tekin fyrir sem stjórnin ákveður.

**7. gr.  
Boðun til landsþings.**

Til landsþings skal boðað með bréfi til sveitarstjórnar með a.m.k. tveggja mánaða fyrirvara. Auk þess skulu þingfulltrúar, sbr. 5. gr., og áheyrnarfulltrúar, sbr. 8. gr., boðaðir bréflega til þingsins með að lágmarki eins mánaðar fyrirvara, ásamt dagskrá.

**8. gr.  
Áheyrnarfulltrúar á landsþingi.**

Stjórnarmenn sem eigi eru kjörnir fulltrúar eiga rétt til setu á landsþingi með málfræsi og tillögurétti.

Ennfremur eiga framkvæmdastjórar sveitarfélaga, þ.e. bæjar- og sveitarstjórar, auk formanna og framkvæmdastjóra landshlutasamtaka sveitarfélaga rétt til setu á landsþingi með málfræsi og tillögurétti.

**9. gr.  
Kjörnefnd.**

Kjörnefnd sem kosin er á landsþingi, sbr. e-lið 1. mgr. 6. gr., skal koma saman að loknum sveitarstjórnarkosningum til að gera tillögur til landsþings um kjör stjórnar og formanns sambandsins, sbr. 10. gr. Kjörnefnd skal einnig kölluð saman milli landsþinga ef aðal- eða varamaður lætur af stjórnarsetu eða missir kjörgengi.

Í kjörnefndinni skulu sitja fulltrúar fyrir fimm kjörvæði, sem eru:

1. Reykjavík tveir fulltrúar.
2. Suðvesturkjördæmi einn fulltrúi.
3. Norðvesturkjördæmi einn fulltrúi.
4. Norðausturkjördæmi einn fulltrúi.
5. Suðurkjördæmi einn fulltrúi.

Kjörgengir í kjörnefnd eru aðal- og varamenn í sveitarstjórn svo og framkvæmdastjórar sveitarfélaga, enda hafi þeir það starf að aðalstarfi. Þeir sem taka sæti í kjörnefnd eru ekki kjörgengir til að vera aðal- eða varamenn í stjórn sambandsins. Ef kjörnefndarmaður hyggst sækjast eftir sæti í stjórn verður hann að segja sig úr kjörnefnd ádur en nefndin kemur saman til fyrsta fundar til að undirbúa stjórnarkjör á landsþingi.

**10. gr.  
Kosning stjórnar.**

Á næsta landsþingi að afloknum sveitarstjórnarkosningum skal kjósa 11 aðalmenn í stjórn sambandsins. Tillögur kjörnefndar, sbr. 9. gr., skulu kynntar landsþingsfulltrúum eigi síðar en einum sólarhring áður en kosning fer fram samkvæmt auglýstri dagskrá.

Heimilt er að leggja fram breytingartillögur við tillögur kjörnefndar og skulu þær berast þingforsetum eigi síðar en tveimur klukkustundum áður en kosning fer fram.

Fjöldi stjórnarmanna skiptist þannig eftir kjörvæðum:

1. Þrír úr Reykjavík.
2. Tveir úr suðvesturkjördæmi.
3. Tveir úr norðvesturkjördæmi.
4. Tveir úr norðausturkjördæmi.
5. Tveir úr suðurkjördæmi.

Jafnmargir varamenn skulu kosnir með sama hætti.

Formaður stjórnar sambandsins skal kosinn sérstaklega. Að öðru leyti skiptir stjórnin með sér verkum, m.a með kosningu varaformanns. Láti formaður af störfum kýs landsþing formann í hans stað á næsta fundi sínum.

Tiltekinn varamaður skal kjörinn fyrir hvern aðalmann í stjórn og tekur hann sæti í stjórninni í tímabundnum forföllum aðalmanns.

Kjörgengir eru aðal- og varamenn í sveitarstjórn svo og framkvæmdastjórar sveitarfélaga, enda hafi þeir það starf að aðalstarfi.

Missi stjórnarmaður umboð sitt, sbr. 1. mgr. 13. gr., tekur varamaður sæti hans til næsta landsþings sem kýs nýjan aðalmann í hans stað. Missi varamaður í stjórn umboð sitt, sbr. 1. mgr. 13. gr., skal næsta landsþing kjósa mann í hans stað.

**11. gr.  
Kjörtímabil stjórnar og landsþingsfulltrúa.**

Kjör til setu á landsþingi sambandsins og í stjórn þess gildir þar til landsþing er næst háð eftir almennar sveitarstjórnarkosningar. Fellur umboð fráfarandi stjórnar niður að aflokinni kosningu á landsþingi, sbr. 9. og 10. gr. Umboð til setu á landsþingi (sem aðal- eða varafulltrúi) eða í stjórn sambandsins fellur þó niður veiti sveitarstjórn hlutaðeigandi lausn frá störfum í samræmi við ákvæði sveitarstjórnarlaga.

**12. gr.  
Missir kjörgengis og leyfi frá trúnaðarstörfum.**

Umboð þeirra sem kjörnir hafa verið sem aðalmenn eða varamenn á landsþing fellur niður ef viðkomandi lætur af setu í sveitarstjórn.

Umboð aðal- og varamanna í stjórn sambandsins fellur niður ef þeir láta af starfi sem aðal- eða varamaður í sveitarstjórn eða framkvæmdastjóri sveitarfélags.

Ákvæði þetta tekur ekki til framangreindra aðila sem missa umboð sitt við almennar sveitarstjórnarkosningar. Umboð þeirra fellur niður er landsþing hefur kosið nýja stjórn.

Stjórnarmenn, nefndarmenn og landsþingsfulltrúar, sem eru í tímabundnu leyfi frá störfum í sveitarstjórm eða hjá sveitarfélagi, svo sem vegna fæðingarorlofs, eru jafnframt í leyfi frá trúnaðarstörfum sem þeir hafa verið kjörnir til samkvæmt samþykkum þessum.

**13. gr.**

**Verkefni stjórnar.**

Stjórnin fer með yfirstjórn sambandsins milli landsþinga.

Stjórnin heldur fundi að jafnaði einu sinni í mánuði og skal til þeirra boðað bréflega með hæfilegum fyrirvara.

Stjórnin skal fyrir lok desember ár hvert samþykkja starfsáætlun og fjárhagsáætlun sambandsins fyrir næsta ár.

Stjórnin skal fyrir lok febrúarmánaðar hafa samþykkt reikninga sambandsins fyrir næstliðið ár.

Stjórnin getur skipað fastanefndir til að fylla um einstök mál eða málaflokka, sem eru ráðgefandi fyrir stjórn og starfsfólk sambandsins. Einnig getur stjórnin skipað starfshópa til þess að fylla um ákveðin málefni. Umboð slíkra nefnda fellur niður við stjórnarskipti, nema annað sé ákveðið í skipunarbréfi þeirra.

**14. gr.**

**Framkvæmdastjóri og starfslið.**

Stjórnin ræður framkvæmdastjóra sambandsins og sviðsstjóra í samræmi við skipurit sambandsins á hverjum tíma. Annað starfslið ræður framkvæmdastjóri.

Framkvæmdastjóri stjórnar daglegum störfum á skrifstofu sambandsins, fjárreiðum og öðrum málefnum þess á grundvelli samþykktu og stefnumörkunar sambandsins. Hann skal sjá um að fundir stjórnar séu vel undirbúnir, m.a. í þeim tilgangi að mál sem þær eru afgreidd séu vel upplýst. Hann sér einnig um að ákvarðanir þær sem teknar eru af hálfu stjórnar komist til framkvæmda, hafi stjórnin ekki falið það öðrum.

Framkvæmdastjóri stýrir hagsmunagæslu sambandsins í umboði stjórnar, í samráði við formann stjórnar, og undirritar ásamt formanni fyrir hönd sambandsins samninga sem lúta að samskiptum ríkis og sveitarfélaga.

**15. gr.**

**Breytingar á samþykktum.**

Breytingar á samþykktum sambandsins má gera á landsþingi. Tillögur um breytingar á samþykktunum skulu lagðar fyrir stjórn a.m.k. fjórum vikum fyrir landsþing sem sendir þær fulltrúum á landsþingi eigi síðar en tveimur vikum fyrir landsþing og skal þeirra getið í fundarboði. Til breytinga á samþykktunum þarf samþykki meirihluta allra atkvæðisbærra fulltrúa, sbr. 5. gr.

**16. gr.**

**Gildistaka.**

Samþykktir þessar öðlast gildi að loknu landsþingi sambandsins árið 2017. Jafnframt falla úr gildi samþykktir sambandsins frá 1. október 2010.



# KJÖRBRÉF

## Kjör fulltrúa á landsþing Sambands íslenskra sveitarfélaga kjörtímabilið 2018–2022

Á fundi \_\_\_\_\_, sem haldinn var \_\_\_\_\_, voru eftirtaldir kjörnir aðal- og varafulltrúi/aðal- og varafulltrúar sveitarfélagsins á landsþing Sambands íslenskra sveitarfélaga kjörtímabilið 2018–2022, samkvæmt 5. gr. samþykktu sambandsins:

### Aðalfulltrúi/aðalfulltrúar:

Nafn	Staða innan sveitarstjórnar	Netfang

### Varafulltrúi/varafulltrúar:

Nafn	Staða innan sveitarstjórnar	Netfang

\_\_\_\_\_  
Staður og dagsetning

\_\_\_\_\_  
Undirskrift og embættisstimpill

Samkvæmt 5. gr. samþykktu Sambands íslenskra sveitarfélaga skulu varamenn kosnir jafnmargir og aðalmenn og fer kosningin eftir sömu reglum og gilda um kosningu nefnda, skv. ákvæðum sveitarstjórnarlaga, annarra en byggðarráðs. Kjörgengir sem fulltrúar á landsþing eru nýkjörnir aðalmenn í sveitarstjórnnum og varamenn þeirra jafnmargir að tölu, hvort sem varamaður í sveitarstjórn hefur verið kjörinn sérstaklega við óbundnar kosningar eða hann fær kjörbréf vegna setu á framboðslista við bundnar hlutfallskosningar.

Kjörbréfið skal sent skrifstofu Sambands íslenskra sveitarfélaga, Pósthólf 8100, 128 Reykjavík, fyrir 1. ágúst 2018.

